

Image not found

<https://letteraturaeuropea.let.uniroma1.it/sites/all/themes/business/logo.png>

Lirica Medievale Romanza
Published on *Lirica Medievale Romanza* (<https://letteraturaeuropea.let.uniroma1.it>)

Home > BEATRITZ DE DIA > EDIZIONE > Ab joi et ab joven m'apais > Tradizione manoscritta > CANZONIERE a1 > Edizione diplomatica

Edizione diplomatica



Ab ioi et ab iouen ma pais. e iois e iouenz ma paia. qe mos amis.
es lo plus gais. p(er) qeu son coinde gaia. e pois eu li sui ueraia
ben taing qel me sia uerais canc de lui amar no mestrals. ni
ai cor qe(m) nestraia.

Mout mi plai car sai qe ual mais. sel qeu plus dezir q(ue) maia.
e cel q(ue) primers lom atrais. deu prec q(ue) gran ioi la traia.
e qi qe mal len retraia. non creza fors qiel retrais. com coil
maintas ues los balais. ab qel mezeis si balaia.

Domna qen bon pretz senten. deu ben pausar sentendenza. en
un pro caualer ualen. pois il conois sa ualenza. qe laus amar
a prezenza. e do(m)pna pois ama prezen. ia pois. [] li pro ni
li ualen. non diran mas auinenza.?

Qeu nai chaigit un pro e gen. p(er) cui pretz meillure genza.
larc eadreg[1] e conoissen. on es senz e conoissenza. prec li qui
aia crezenza. ni hom uoil posca far crezen. qeu fassa uas
lui fallimen. sol non trop en lui fallenza.

Amics la uostra ualenza. sabon li pro e li ualen. p(er) qieu uos
qier de mantenen. sius platz. uostra mantenenza.

- letto 841 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-1048>

Links:

[1] <https://letteraturaeuropea.let.uniroma1.it/?q=laboratorio/annotazione-lessico-semantic>